

## Terma Reference

### Thirrje për ekspert për vlerësimin psikologjik të punonjësve në Shtëpitë e Fëmijës 0-5 vjeç Korçë dhe Vlorë

<b>Konsulenca</b>	Ekspert për vlerësimin psikologjik të punonjësve në Shtëpitë e Fëmijës 0-5 vjeç Korçë dhe Vlorë
<b>Projekti</b>	“Përgjigje ndaj rrezikut të shtuar të abuzimit, shfrytëzimit, trafikimit dhe ndarjes nga familja” zbatuar në partneritet me UNICEF (ALB/PCA202213/PD202359)
<b>Kohëzgjatja e shërbimit</b>	Maj-Qershor 2023
<b>Lloji i kontratës</b>	Kontratë Shërbimi
<b>Data e fillimit të punës</b>	25 Maj 2023

Nisma për Ndryshim Shoqëror ARSIS kërkon të kontraktojë **ekspert për kryerjen e vlerësimit psikologjik të punonjësve pranë Shtëpisë së Fëmijës „Lulet e Vogla“ 0-5 vjeç në Korçë dhe Vlorë**, në kuadër të projektit “Përgjigje ndaj rrezikut të shtuar të abuzimit, shfrytëzimit, trafikimit dhe ndarjes nga familja” zbatuar në partneritet me UNICEF dhe financuar nga Qeveria Suedeze. Kjo ekspertizë do të ofrohet në mbështetje të grupit të punës të ngritur pranë MSHMS për zhvillimin e burimeve njerëzore të institucioneve të përkujdesit shoqëror „Shtëpia e Foshnjes“ Vlorë dhe Shtëpia e Foshnjes „Lulet e Vogla“ Korçë në kuadër të planit të transformimit për institucionet e përkujdesit shoqëror në Shqipëri- Pilot Bashkia Korçë dhe Vlorë.

Të dy Institucionet e përkujdesit shoqëror për grup-moshën e fëmijëve 0-5 vjeç në Bashkitë Korçë dhe Vlorë, të cilat në bazë të VKM nr.706, dt.09.09.2020 “Për miratimin e Planit Kombëtar të Deinstitutionalizimit (PKD), 2020-2022, dhe të Planit të Veprimit për zbatimin e tij”, Objektivi 2 strategjik, janë 2 institucionet e para të vendosura në moratorium dhe në fazë pilotimi të transformimit të shërbimeve.

Për secilin nga Institucionet po zhvillohet një plan i detajuar transformimi, i cili përfshin vlerësimin e fëmijëve dhe familjeve të tyre, burimet njerëzore ekzistuese, dhe të infrastrukturës së institucionit të përkujdesit shoqëror.

#### **Informacion i Përgjithshëm:**

**Nisma për Ndryshim Shoqëror ARSIS** (shkurtimisht NISMA) është një organizatë jofitimprurëse, e cila është themeluar në shkurt të vitit 2016. NISMA është një aktor jo qeveritar me influencë në sektorin e shoqërisë civile në Shqipëri.

Misioni i NISMA është të ofrojë shërbime dhe zgjidhje të qëndrueshme për individë dhe grupe më të marginalizuara në shoqërinë shqiptare me theks të veçantë në komunitetet Rome dhe Egjiptiane. NISMA advokon dhe lobon në nivel lokal dhe qendror mbi çështjet e mbrojtjes së fëmijëve dhe të rinjve, zhvillimit dhe pjesëmarrjes, përmirësimit të kushteve social-ekonomike të familjeve të tyre dhe fuqizimit të kapaciteteve të shërbim ofruesve, organizatave jofitimprurëse, profesionistëve dhe aktorëve të tjerë të cilët punojnë me fëmijët në situatë vulnerabel.

### Përshkrim i projektit:

Projekti ka si qëllim të ofrojë dhe sigurojë mbështetje për sistemin e mbrojtjes së fëmijëve dhe të ofrojë shërbime mbështetëse të integruara për fëmijët dhe familjet në nevojë dhe në nivel të lartë vulnerabiliteti nga abuzimi, shfrytëzimi dhe trafikimi. Projekti fokusohet jo vetëm në mbështetje për fuqizimin e familjeve dhe fëmijëve, por edhe pilotimin e shërbimeve të reja mbështetëse për fëmijën dhe familjen, familjet kujdestare profesionale si dhe ngritja e kapaciteteve për punonjësit që janë pjesë e ofrimit të shërbimeve dhe kujdesit social në kuadër të avancimit të procesit të deinstitutionalizimit.

### **Grupet përfituese dhe aktorët kyç:**

- Prindër/ kujdestarë të identifikuar në nevojë për mbrojtje ose në nevojë për referim në shërbimet e kujdesit social;
- Fëmijë të vlerësuar në risk të mesëm ose të lartë ndaj shfrytëzimit, dhunës apo abuzimit;
- Fëmijë të vendosur në shërbimet e përkujdesit shoqëror rezidencial;
- Familje me fëmijë në risk për tu institucionalizuar;
- Punonjës të strukturave vendore, përgjegjës për mirëqenien e fëmijëve;
- Punonjës të sistemit të mbrojtjes së fëmijëve.

### Detyrat dhe përgjegjësitë për ekspertin:

#### **Ekspert psikolog profesionist për të rritur:**

Psikologu i specializuar për të rritur, ka si detyrë të asistojë me ekspertizën tij/saj grupet e punës të ngritura në secilën Bashki Korçë dhe Vlorë me qëllim realizimin e vlerësimit psikologjik të punonjësve në institucionin e përkujdesit për fëmijë Shtëpia e Foshnjës Vlorë dhe Shtëpia e Foshnjës „Lulet e Vogla“ Korçë.

- Të zbatojë metodologjinë e vlerësimit punonjësve të IPSH në Korçë dhe Vlorë;
- Të hartojnë kalendarin e punës për kryerjen e procesit të vlerësimit si pjesë e grupit të punës
- Të vlerësojë gjëndjen psikologjike të punonjësve shërbimofrues nëpërmjet testimit psikologjik dhe adminstrimit të instrumentave matës të standardizuar, integrimin të informacionit të mbledhur nga testet, intervistat, vëzhgimet biheviorale, raportimet indirekte apo dokumentacionet e ndryshme;
- Të dokumentojë procesin e vlerësimit në dosje individuale për secilin punonjës;
- Të mbështesë hartimin e raportit mbi procesin e vlerësimit në përputhje me termat e referencës së grupit të punës.

#### **Profili i ekspertit psikolog/terapist zhvillimi:**

##### **I. Kualifikime**

- Diplomë universitare/pasuniversitare në psikologji.
- Të ketë ndjekur trajnime kualifikuese shtesë në psikoterapi, terapinë e zhvillimit, këshillimit;
- Të jetë i licensuar për ushtrimin e profesionit;
- Të jetë e/i çertifikuar për ofrimin e shërbimeve psikologjike.

##### **II. Eksperienca e punës**

- Të ketë jo më pak se 5 vite eksperiencë pune në ushtrimin e profesionit të tij/saj në qendra që ofrojnë shërbime të specializuara psikologjike për të rritur;
- Të ketë eksperiencë pune në ekip multidisiplinar për vlerësim dhe ngritje e plani të zhvillimit/trajtimin;
- Të jetë njohës/e shumë i/e mirë i/e zhvillimit të fëmijëve që rriten jashtë kujdesit prindëror dhe nevojave të tyre;
- Të jetë njohës/e shumë i/e mirë i/e sistemit të mbrojtjes dhe përfshirjes sociale;
- Njohuri shumë të mira në gjuhën angleze në formën e shkruar dhe të folur;
- Mundësi dhe dëshirë për të lëvizur në terren;
- Aftësi shumë të mira në arritjen e afateve;
- Aftësi shumë të mira në komunikim, dhe menaxhim të situatave;
- Aftësi për të punuar në presion kohe, në punë në grup dhe në mënyrë të pavarur.

**Politikat e Mbrojtjes së Fëmijëve:** Të gjithë personat që punojnë me programet e NISMA janë të detyruar të respektojnë politikat e mbrojtjes së fëmijëve, politikat e mbrojtjes nga abuzimi dhe shfrytëzimi seksual, kodin e sjelljes të NISMA ARSIS.

**Koha e mundshme e fillimit të punës është 25 maj 2023**

**Kohëzgjatja e ofrimit të shërbimit është përgjatë periudhës maj-qershor 2023**

Kjo ekspertizë përfshin 12 ditë pune.

#### **Procedura e Aplikimit:**

Aplikantët e interesuar për të aplikuar për secilin nga pozicionet e sipër shënuara duhet të dërgojnë me email

1. CV-në;
2. Letër interesi;
3. Letër angazhimi/disponueshmërie;
4. Ofertën financiare;
5. Taksa e regjistrimit (nëse disponohet).

në adresën e emailit: [initiative.arsis@gmail.com](mailto:initiative.arsis@gmail.com) deri në datën **23 Maj 2023**, mesnatë.

*Në vëmendjen tuaj që në subjekt të emailit ku dërgohet aplikimi të vendoset: Aplikim për pozicionin e ekspertit për vlerësimin psikologjik të punonjësve në IPSH.*

#### **Procedura e Vlerësimit:**

Zgjedhja e ekspertit do të bazohet në: se sa mirë aplikimi përmbush kërkesat e përcaktuara në termat e referencës, gjithashtu edhe bazuar në tabelën e vlerësimit të mëposhtëm.

<b>Kriteret e vlerësimit</b>	<b>Vlerat në %</b>
Kualifikime	30%
Eksperiencë pune	50%
Oferta financiare	20%

***Ju lutem konsideroni që vetëm kandidatët e përzgjedhur për intervistë do të kontaktohen.***